

« نورك يوردى » كەلەك مەيلىسىزە اعتباراً نوركلارك
دالەت مائارىپى عبدالحىم مەمەت بىك اقنىرىنىڭ يازمىسى مەيلى
بازىلىمىسى « لىپىز » قەلەمىنى ئىشەنچلىك مەيلىسىزە.

نورك يوردى

ناشرى : نورك يوردى

مەدەنىي : مەمەت مەيلى

۲۱ مارت ۱۳۳۹

۱۲ ھەتتە

۲ ھەتتە

بولدینی اشاعه ایدلدی . فقط بو واسطه ایله کیم اغفال اولئیور ؟ مطبوعاتی ، حکومتی ؟ مقاوله نامه امضالانمازدن اول سزمه برچوق بانقه قائمه لری کوستر مشلر ، فقط امتیاز مقاوله نامه سنی اللرینه آلدقندن صکره قائمه لری جیلرینه قویه رق آوانس ویرمه مشلر در ! ..

سزی دها بیوک تهلکه لره معروض قیلان اصل مهرت ، دولتک امور مالیه سی جهتیدر . مالیه خصوصنده سزک الکزی آیاغکزی ذاتاً باغلامشلردی ؛ شمدی ده بوغاز کزه کند طاقق ایستورلر .

بر مقاله می دها زیاده اوزاتماق ایچون مالیه مسئله سنک تدقیقنی کله جک دفعه به ترک ایدیورم . کله جک مقاله مده اهالی محلیه نک منافع اقتصادی سنی محافظه ایده بیله جک کبی اجراءات خصوصیه و تشبثات شخصیه دن بحث ایده جکم . کچیرلمکده اولان دقایقه لر ، صوک درجه تهلکه لیدر ! کوز آچق ایشه طوتونمق صره سی اصل بوسره در . زیرا دها صکره ایش ایشدن کچمش اوله حق و بلانک تعمیری غیر ممکن برحاله کله جکدر .

باردوس



اجتماعیات

تورکاشمک ، اسلاملاشمق ، معاصرلاشمق

۲

لسانه

جسمک طولی ، عرضی ، عمقی اولدینی کبی اجتماعی وجدانکده اوچ بعدی وار : ملیت ، بین المللیت ، عصریت بوقضیه نک نه درجه طوغرو اولدینی ابتدا اجتماعی وجدانک انعکاس آینه لرندن بری اولان لسانده آرایه جقم . دینلر الهی آلمش سنه دن بری کنیشلمک یولنی طوتمشدر . عصرک شعاعلری اولکه مزه نفوذایتدکجه کوزمنز یکی مصنوعلر ، ذهنمز یکی مفهوملر کورمکده

دوام ایدیور . بونلر اسمسز قاله میه جنی ایچون هر کون برچوق یکی کله لرله
لسانمز زنکینلشیور . عصرک مملی اولان ملتلك غزته لرندن، کتابلرندن ترجمه لر
یاییورز. بوضورتله ده عرفانمزده موجود اولیان برچوق یکی معنالر ناطقه مزدن
یکی لفظلرك ابداعی ایستیور .

لسانمز مرق دیل لرله قارشیلانمده عادتاً کله بکلمه اولنرك تقلیدی یاییور .
بعضاً (خرده بین microscope)، (دورین telescope)، (شکار chef d'oeuvre)،
(مفکوره idéal) کله لرنده اولدینی کبی لفظی (استنساخ calque) لر یاییور،
بعض کرده ده (طیاره aéroplan)، (تکامل évolution) (مشروطیت
constitution) (بدیعیات esthétique) تعیرلرندما اولدینی کبی معنوی استنساخلر
حصوله کتیریور .

لسانمزک بوفعلی تمایلی بزه شونی کوستریور :
برزمان کله جک که تورکجه مز، فرانسز، انکلز، آلمان لسانلرنده کی بوتون
کله لرک مقابلارینه مالک اوله جقدر .


لفظی کلام، نفسی کلامک افاده سی اولدیغنه کوره عصرک مفهوملردن مرکب
معنوی بر لسانی واردر که هر دیل اوکا انطباق ایتک مجبوریتده در . احواله
تورکجه نه زمان بو احتیاجنی تطمین ایدرسه اووقت معاصر لاشمش، عصریت
جهتمده کی اتساعی اکال ایتش صایله بیلیر .

لسانمز کیرن یکی کله لر اوچ نوعدر: (۱) اجنبی کله لر (۲) عربجه و عجمجه دن
ابداع یاخود ترویج اولونان کله لر (۳) تورکجه ابداع یاخود ترویج اولونان کله لر.
برنجی نوع کله لر لسانمز قاجاق صورتیه کیریور . لسانی سلیقه مز
بو کله لری لساندن طرد ایدرک یرلرینه (اصطلاح) ایسه لر عربجه یاخود
فارسیدن، (لغت) ایسه لر تورکجه دن مقابللر بولیور .

اصطلاحلرك مقابللرینی عربی یاخود فارسیدن یاپه رق اجنبی کله لری قبول
ایتمه مک خاصه سی تورکجه یه منحصر دکدر . بوتون اسلام لسانلری بوخصیصه ده
مشتکر در . دینی تعیرلرده و دیندن اشتقاق ایدن سائر علملره مخصوص
اصطلاحلرده اساساً متحد اولان بو لسانلر بو وحدتی یکی اصطلاحلرده ده

توركلارك فائده سنه چالیشانلردن :



بربروك نورك منفقلى  بك

« نورك بوردى » نك هديرسى
۲ نجى يىلك ۱۲ نجى سايىنه علاوه

محافظه ایتمک ایسنیور. خرسقیان بین المللیتک اصطلاحلری یونانجه و لایقجه دن آتخددر. اسلام لسانلری بواصطلاحلری عیناً استعاره ایتمکله کندی بین المللیتی غائب ایتمکدن قورقیور .

معنایه اسلام لسانلری اصطلاحلری عربی یاخود فارسیدن آملقه بین الملل وظیفه لرینی ایضا ایتمش اولمازلر. بواصطلاحلر مرسانده باشقه جذرلردن تشکیل اولونورسه مطلوب اولان وحدت حاصل اولیه جنی ایچون لسانک بین المللیتی اکسک قالیر . بوندن طولانی درکه دیگر اسلام لسانلرینک قبول ایتمش اولدینی یاخود قبول ایدیه بیله جکی تمیزلری آریوب بولمق سورتیه اصطلاح وضع ایتمه من لازم کلیر . بومقصدی تأمین ایچون مرسانده اصطلاح وضعیه مشغول جمعیتر تشکیل ایتمی و بو جمعیتر معین زمانلرده بین الملل اصطلاح مؤتمرلری سورتنده طولانعه لیدر .

اسلام لسانلرینک بوتون اصطلاحلری بومؤتمرلر معرفتیه متحد بر صورتده تعین ایندکدن سوکره آرقق لسانغره بین المللیت جهته ده کی انساغنی ده اکل ایتمش یعنی اسلاملاشمش نظریه یاقه بیلیرز .

لسانغز اسلام بین المللیتک عمومی لسانی اولان بر اصطلاحلر قاموسه مالک اولدقدن سوکره عربی و فارسیدن ده اجتناب ایتمک مجبوریننده در . چونکه تورکجه یه کیرن عربی ، فارسی کلهلر اصطلاحلره منحصر دکلددر . بر چوق لزومسز عربجه ، محمجه لغتلرده دیلزه کیرمشدر . حتی بوایکی لسانک تورکجه یه تأثیر یه یالکز کلهلر اعطاسندن ده عبارت دکلددر . عربی ، فارسی ترکیلر ، اداتلرده تورکجه یه داخل اولمش ، تورک صرفی بوایکی لسانک صرف و نحو قاعده لريله تحلیط ایتمشدر .

لسانغزی معنی اعتباریه معاصرلاشدرمق ، اصطلاح جهتیله اسلاملاشدرمق لازم اولدینی کی ، صرف و نحو ، املا خصوصلرینده تورککشدردمکده لابددر . تورکجه ده اصطلاحلرک غیر ی بوتون کلهلر ممکنسه تورکجه اولمالی ، یاخود تورکجه لشمش بولونمالی . عربجه ، محمجه ترکیلر ، جملر ، اداتلر ، صیغلر لسانغزدن جیقارنمالی . (شعرای جدیده) دیه جکمز (یکی شاعرلر) ، (ادبیات

ترکیه (دیه جکمزه) (تورک ادبیاتی) ، (طبیعت) یرینه (طبیعت) ، (سربستی) یرینه (سربستک) ، (موجز بر محرر) یرینه (ایجازجی بر محرر) (موجز بر افاده) یرینه (ایجازلی بر افاده) دیملی یز .

لسانمزی تورکشیدیررکن تدریجاً بوتون صویداشلرمزک آکلایه جنی عمومی برتورکجه یه طوغری کیتمک لازم کلدیکنی ده اونو تماملی یز . فکر مزی خلاصه ایدلم :

(یکی مفهوم) - سربستک ، (اصطلاحلر) بین المملیتک ، (لغتلر) ملیتک ناطقه سیدر .

تورکجه اجتماعی وجدانمک بواوچ صفحه سنه تمامیه منطبق حساس بر آینه اولمادجه تشکل و تکمل ایتمش برلسان صاییه ماز .

کیرک آلب



سباحت

آلتایلره طوغری

(باشی ۱ نجی ییلاک ۱۲ نجی صایسنده)

محمد قول جراحتی اییلشمنجه صوک قوتی طوپلایه رق آنسزین یارماغک بولندینی قیشلاغه هجوم ایله چته افرادندن یگرمی قدرینی قتل ایتمشدی . یارماق بوندن متهور اوله رق ذاتاً قاچمغه باشلامش اولان محمد قول اردوسنی تعقیبه قویولدی ؛ عسکرلرینی بوزدقدن صوکر کندیسنی ده قیشلانغی قربنده اله کچیروب ، اسیر ایتدی .

بو صورتله سبریا تورک - تاتار دولتنک اک بویوک قوتی مغلوب ایدیلش اولبوردی . قالان کوچوک بکلری تحت اطاعته آلمق ایچون یارماق ، اوزرلرینه چتله کوندیرر ، اطاعت ایتیمانلری درحال دردست ایتدیره رک آیاقلری یوقاری آصار ، ودریلرینی یوزدیره رک مدهش اشکنجه لر ایچنده محو ایدردی .